



SIARAN AKHBAR

PERSIDANGAN ANTARABANGSA METROPOLIS 2024: MENEROKA MASA DEPAN MIGRASI DALAM ERA DIGITAL

KUALA LUMPUR, MALAYSIA — 14-17 November, 2024 — **Persidangan Antarabangsa Metropolis 2024** akan berlangsung pada 14 hingga 17 November 2024 di Swiss Garden Hotel, Bukit Bintang. Dianjurkan oleh **Institut Kajian Etnik (KITA)**, Universiti Kebangsaan Malaysia (UKM) dengan kerjasama **Metropolis International**, **Kerajaan Negeri Selangor**, dan **UKMShape**, persidangan ini bertemakan “*Migration Futures: Evolving Challenges in a Digital Age.*” (“Masa Depan Migrasi: Cabaran dalam Era Digital.”) Tema ini mencerminkan keperluan dasar migrasi yang lestari dan inklusif dalam dunia yang semakin digital. Ini juga merupakan kali pertama Persidangan Metropolis diadakan di Asia Tenggara, yang menekankan kepentingan rantau ini dalam wacana migrasi global.

Persidangan ini akan menghimpunkan lebih seratus orang peserta yang terdiri daripada pakar migrasi, pembuat dasar, dan penyelidik dari lebih 15 buah negara. Majlis perasmian akan disampaikan oleh Menteri Besar Selangor Yang Amat Berhormat Dato’ Seri Amirudin Shari, dan Naib Canselor UKM Profesor Dato’ Gs. Ts. Dr. Mohd Ekhwan Hj. Toriman, Naib Canselor UKM.

Sorotan Persidangan

Persidangan selama empat hari ini akan menampilkan pelbagai ucap-tama, sesi, dan perbincangan yang mengupas isu-isu kompleks berkaitan migrasi, teknologi, inklusiviti, dan kelestarian. Sorotan utama persidangan termasuk:





1. Ucaptama oleh Pakar Terkemuka:

- **Profesor Dr. Antje Missbach** (University of Bielefeld) akan membentangkan topik “*Taking Refugee Studies to Sea: What Can We Learn from the Maritime Trajectories of Vietnamese and Rohingya ‘Boat People’?*” mengupas aspek migrasi maritim yang kurang dibincangkan.
- **Profesor Dr. Ahmad Fauzi Abdul Hamid** (Universiti Sains Malaysia) akan menyampaikan topik “*Islam and Migration*”, yang mengkaji corak migrasi Muslim dari perspektif sejarah dan kontemporari..
- **Profesor Dr. Felicitas Hillmann** (Technische Universität Berlin) akan membincangkan cabaran urban dalam ucapannya, “*Cities, Migration and the SDGs: An Ongoing David and Goliath Relationship,*” dengan fokus pada dasar migrasi bandar yang mampan.
- **Profesor Datuk Dr. Denison Jayasooria** (Institut Kajian Etnik, UKM) Malaysia dalam ucapnama bertajuk, “*Ground Realities and Public Policy Advocacy on Stateless People in Malaysia.*”
- **Eva A. Millona** (U.S. Department of Homeland Security) akan menyampaikan ucapnama bertajuk “*Upholding America’s Promise in a Digital Age,*” yang menekankan kepentingan memperkasakan migrasi ke arah pembinaan negara yang lebih kukuh dan inklusif.

2. **Bengkel Siswazah:** Persidangan akan dimulakan dengan Bengkel Siswazah pada 14 November 2024, di mana 21 orang penyelidik muda dari dalam dan luar negara akan membentangkan kajian mereka di bawah bimbingan profesor ternama seperti **Prof. Jan Rath** dan **Prof. Paul Spoonley**. Sesi ini menawarkan peluang jaringan dan bimbingan kepada generasi baru penyelidik migrasi.

3. **Sesi Serentak Bertema:** Selama tiga hari, peserta akan membentangkan kertas kerja dalam lima sesi serentak bertemakan:





- *Refugees: Challenges and Future Options* (Pelarian: Cabaran dan Pilihan Masa Depan)
- *Managing Migration Systems* (Pengurusan Sistem Migrasi)
- *Host and Settler Community Relations* (Hubungan Komuniti Hos dan Pemastautin)
- *Inclusivity and Sustainability* (Keterangkuman dan Kelestarian)
- *Urban Politics and Shared Spaces* (Politik Bandar dan Ruang Perkongsian)

Sesi-sesi ini menyediakan platform kolaboratif untuk perkongsian penemuan empirikal, kajian kes, dan penyelesaian dasar.

4. Perbincangan Meja Bulat: Persidangan akan ditutup dengan Sesi Meja Bulat pada 17 November 2024, yang menampilkan 13 orang peserta dari NGO, akademik, UNHCR, IOM, serta pemimpin komuniti pelarian. Sesi ini dipengerusikan oleh **Dr. Andika Ab. Wahab** dari Institut Kajian Malaysia dan Antarabangsa (IKMAS), UKM, dan akan menumpukan pada strategi praktikal untuk menangani cabaran migrasi kontemporari. Para peserta akan berkongsi pengalaman dan kepakaran mereka, menyumbangkan pandangan serta cadangan untuk inisiatif masa hadapan.

Platform untuk Dialog Global

Persidangan tahun ini menyediakan peluang unik untuk dialog dan penyelesaian kolaboratif, terutamanya bagi pemegang taruh dari Selatan Global yang perspektifnya penting dalam membentuk dasar migrasi antarabangsa.

Pendaftaran dan Maklumat Lanjut

Persidangan Antarabangsa Metropolis 2024 terbuka kepada ahli akademik, pegawai kerajaan, NGO, dan mereka yang berminat dalam kajian migrasi. Untuk maklumat lanjut, sila hubungi:

Dr. Rachel Chan Suet Kay

E-mel: metropoliskl2024@gmail.com

Telefon: +6019 903 3461





Sertai kami di Kuala Lumpur untuk meneroka masa depan migrasi dan membina dialog antarabangsa yang bermakna.

CORE ORGANIZERS



PARTNERS

